



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM
DOM NARODA

Administrativna komisija
Komisija za finansijske i administrativne poslove
Broj: 01/7, 02/3-011-1607/03
Sarajevo, 13.11.2003.

ZAPISNIK

5. zajedničke sjednice Administrativne komisije Zastupničkog doma i Komisije za finansijske i administrativne poslove Doma naroda Parlamentarne skupštine BiH. Sjednica je održana 13.11.2003., u vremenu od 14.00 do 15.00 sati.

Sjednici su nazočili članovi Administrativne komisije Zastupničkog doma:

Munib Jusufović, Nikola Kragulj, Ivo Miro Jović, Jozo Križanović, Momčilo Novaković, Mirko Blagojević, Vinko Zorić i Hazim Felić. Opravdano Nazočan nije bio je Šefik Džaferović.

Sjednici su nazočili članovi Komisije za finansijske i administrativne poslove Doma naroda: Zoran Spasojević, Mustafa Pamuk, Osman Brka, Branko Zrno, Goran Milojević i Velimir Jukić.

Sjednici su nazočili i Vedran Hadžović, tajnik Zajedničke službe, Branka Todorović, tajnik Zastupničkog doma, Aljoša Čampara, tajnik Ustavno-pravne komisije i privremeni tajnik Komisije za finansijsko-administrativne poslove Doma naroda, Jadranka Korać, šef Službe računovostva i Dragica Hinić, stručni suradnik u radnim komisijama Parlamentarne skupštine BiH.

Sjednicom je predsjedavao Zoran Spasojević.

Na sjednici je predložen slijedeći

DNEVNI RED:

1. Razmatranje Prijedloga odluke o isplati naknade povodom državnih i vjerskih praznika članovima i uposlenim u Parlamentarnoj skupštini BiH;
2. Razmatranje zahtjeva Vignjević Branislave za isplatu novčane naknade povodom državnih i vjerskih praznika;
3. Razmatranje Prijedloga odluke o isplati naknade za učešće u radu Radno-konzultativne grupe za izradu Prijedloga zakona o pravima i dužnostima članova Parlamentarne skupštine BiH;
4. Razmatranje Prijedloga Proračuna Parlamentarne skupštine BiH za 2004.;
5. Razno:
 - a) Razmatranje dopisa Službe za zajedničke poslove institucija BiH za dostavu potreba u oblasti osiguranja imovine i osoba;
 - b) Razmatranje zahtjeva Izborne komisije BiH za mišljenjem u svezi sa sprovođenjem raspisanog natječaja .

Članovi obje komisije jednoglasno su usvojili dnevni red.

Ad.1.

Zoran Spasojević dao je na razmatranje Prijedlog odluke o isplati naknade povodom predstojećih državnih i vjerskih praznika članovima i uposlenim u Parlamentarnoj skupštini BiH u visini od 500,00 KM.

Potom su članovi obje komisije usvojili predloženu odluku, tako da su članovi Komisije Doma naroda bili jednoglasno za, dok je od osam članova Komisije Zastupničkog doma sedam glasalo za, a jedan je bio protiv.

Ad.2.

Zoran Spasojević dao je na razmatranje zahtjev Vignjević Branislave za isplatu novčane naknade u visini od 500,00 KM povodom predstojećih državnih i vjerskih praznika. Istaknuto je da ona radi u ovoj instituciji više od tri godine na osnovu Ugovora o radu, te da nikada nije dobila bilo koju vrstu naknade.

Vedran Hadžović je potom predložio da se omogući isplata ove naknade za još dvoje radnika koji rade po osnovu Ugovora, ali taj zahtjev nije prihvaćen.

Članovi obje komisije su potom jednoglasno donijeli odluku o isplati navedene novčane naknade u visini od 500,00 KM Vignjević Branislavi.

Ad.3.

Predsjedatelj sjednicom je ukratko informirao o ranije usvojenoj odluci komisija kojom je definirano da će se članovima Radne grupe za izradu Prijedloga zakona o pravima članova Parlamentarne skupštine BiH, isplatiti novčana naknada za učešće u radu te grupe. U kontekstu toga sačinjen je i Prijedlog odluke o isplati te naknade u visini od 500,00 KM pojedinačno članovima grupe i to: Vedranu Hadžoviću, Branki Todorović, Senadi Merzić, Siniši Davidoviću, Magdaleni Mišković i Dragici Hinić.

Članovi obje komisije su potom jednoglasno usvojili predloženu odluku uz zaključak da će se navedena naknada isplatiti tek po upućivanju Zakona u parlamentarnu proceduru.

Ad.4.

Članovi Komisije ukratko su informirani o Prijedlogu Proračuna Parlamentarne skupštine BiH za 2004. koji je sačinila Služba računovodstva.

U potom otvorenoj raspravi učestvovali su: Zoran Spasojević, Goran Milojević, Mustafa Pamuk, Vinko Zorić, Munib Jusufović, Nikola Kragulj, Vedran Hadžović i Jadranka Korać

Konstatirano je da predloženi iznos kapitalnih izdataka od 100.000,00 KM nije dovoljan i da ovu stavku treba povećati za još 50.000,00 KM. Sredstva sa ove stavke bi trebala omogućiti kupovinu dva automobila, kao i određeni broj kompjutera, štampača i druge opreme. Također je konstatirano da su planirana sredstva za rad klubova mala, tako da bi i ovu stavku trebalo povećati za 100.000,00 KM. Ovako izmjenjen prijedlog Proračuna potrebno je poslati Ministarstvu financija i trezora radi dogovora i usuglašavanja.

Potom su članovi komisija jednoglasno prihvatili Prijedlog Proračuna za 2004. s izmjenama stavke za kapitalne izdatke koja bi sada iznosila 150.000,00 KM i stavke za rad klubova zastupnika i izaslanika koja bi sada iznosila 600.000,00 KM.

Ad.5.

Razno:

a) Vedran Hadžović ukratko je informirao članove komisija o dopisu Službe za zajedničke poslove institucija BiH, kojim nas obavještavaju o potrebi dostavljanja

podataka vezanih za osiguranje imovine i osoba, kako bi mogli pripremiti tendersku dokumentaciju za raspisivanje javnog nadmetanja i odabira najpovoljnijeg ponuđača osiguranja imovine i osoba institucija BiH.

Članovi komisija su potom jednoglasno usvojili odluku u prethodnom smislu, s tim da bi se mjesečno izdvajanje za osiguranje po osobi moglo kretati od 10,00 do 12,00 KM.

b) Vedran Hadžović ukratko je informirao o zahtjevu Izborne komisije BiH za mišljenjem i davanjem suglasnosti za izbor članova Izborne komisije BiH u Komisiju za izbor državnih službenika u Tajništvu Izborne komisije BiH po raspisanom javnom natječaju, umjesto državnih službenika. Kao razlog za ovakav prijedlog naveden je nedostatak trenutno zaposlenih državnih službenika u Tajništvu.

Članovi obje komisije jednoglasno su odbili ovaj zahtjev i odlučili da se Izornoj komisiji BiH uputi dopis kojim će se uputiti na Agenciju za državnu službu kao meritornu za rješenje ovog problema, tako što će Agencija iz reda svojih službenika popuniti članstvo u navedenoj natječajnoj komisiji.

Zapisnik sačinila:

Dragica Hinić

Predsjedatelj
Komisije za finansijske i administrativne poslove
Doma naroda
Zoran Spasojević

Predsjedatelj
Administrativne komisije
Zastupničkog doma
Munib Jusufović